



羣
碎
錄
偃
暴
談
錄

1 卷 4
515
44

七



4
515
44



眉公羣碎錄

華亭

陳繼儒

著

樵李

王體元

校

王體國

他石可以攻玉衆壤可以益岱讀書者即一
字一語何忍棄之故題曰羣碎郡碎王右軍
語也陳繼儒記

親傳業者為弟子弟子復傳于人為門生故史

羣碎錄



記曰七十二弟子傳而歐陽公為轉相授受者
曰門生

耳邊風杜荀鶴詩云百歲有涯頭上雪萬般無
染耳邊風

今官府文移以上臨下皆用仰字按北齊書孝
昭紀詔定三恪禮儀體式亦仰議之用仰字始
此增韻資也

前漢書丙吉傳吉為廷尉監哀皇曾孫無辜擇

謹厚女徒胡組令乳養之及組目滿當去曾孫
思慕之吉以私錢顧組又南史武陵王紀以金
囊擲游擊將軍樊猛曰以此顧鄉送我見七官
謂梁元帝此古用顧字

陸放翁問蜀人云攤錢傳也梁冀能意錢之戲
注云即攤錢也

詩云江有沱禹貢岷山導江東別為沱是也滄
爾雅謂春秋夏有水冬無水以滄也

鸚鵡州南行洲上有茂林神祠遠望如小山洲
蓋稱衡被山處故云至今芳洲上蘭蕙不能生
○黃鶴樓舊傳費禕飛升于此後忽乘黃鶴來
歸

書曰帙者古人書卷外必有帙藏之如今褻祿
之類白樂天嘗以文集留廬山草堂屢亡逸宋
真宗令崇文院寫校包以班竹帙送寺余嘗于
項子京家見王右丞画一卷外以班竹帙裹之

云是宋物帙如細簾其內襲以薄繒觀帙字巾
旁可想也

剛卯王莽傳剛卯長三寸廣一寸四分或用金
玉刻作兩行書曰正月剛卯又曰疾日剛卯凡
六十六字以正月卯日作此印佩之以祓除不
祥漢姓劉以劉字印金刀使金刀之利不得行
也輿服志長一寸二分方六分又云剛卯漢制
莽禁之金刀莽所鑄錢後復禁之

宋太宗立郡國戒碑爾俸爾祿民膏民脂下民
易虐上天難欺乃景煥野人閒語書中語也又
云摘蜀王孟昶之文按歐陽集古錄戒碑起唐
明皇特不見其詞耳又云宋高宗頒是黃庭堅
書

孔穎達曰古人不騎馬故經典不見至趙武靈
王謀胡服騎射以教百姓李牧日殺牛饗士習
騎射始見於此又宋劉炫謂左氏左師展將以

公乘馬而歸此騎馬之漸予按古者服牛乘馬
馬以駕車不單騎也至六國時始單騎
弁髦男子始冠則用之既冠則棄之

今人呼妻父曰岳翁曰丈人匈奴傳曰漢天子
我丈人行也故呼爲丈人又以泰山有丈人峰
故又呼丈人曰岳翁亦曰泰山

元結以不飲者爲惡客後人以痛飲者爲惡客
○投瓊卽今之擲投子投今作骰非也蓋取投

擲之義而殷字卽股字不音投

甘羅事呂不韋因說趙有功封上卿相秦者羅

祖茂

文君當盧盧字不從土蓋賣酒區也顏師古曰

賣酒之處累土為壚以居酒瓮四邊隆起其二

面高形如煨爐故名非温酒壚也

首級秦法斬敵一首拜爵一級故謂一首為一

級

漢惠帝賜金不言黃謂錢也食貨志黃金一斤

直萬金錢蓋一金與萬錢等也

禮年八十有秩故以八十為八袞

祖道黃帝子纍祖好遠游而死於道故後人祭

之以為行神因享飲也方相氏黃帝次妃嫫母

纍祖一云
帝元妃

羈縻羈馬絡頭縻牛鞞

無恙恙毒蟲也能傷人古人艸居露宿故早相

羈縻

見問勞必曰無恙乎又曰恙憂也又獐食人獸
○乘傳傳以木爲之長五寸書符信于上又以
一板封之皆封以御史印章所以爲信也如今
之驛乘傳依乘符傳而行
陽秋卽春秋避晉諱故以春秋爲陽秋
孔子無鬚孔叢子子思告齊君先君生無鬚眉
天下王侯不以此損其敬今像多鬚誤
豹直御史初入臺陪直二十五日爲伏豹取不

出之義謂之豹直

招關晉伐偃陽諸侯之士門焉叔梁紇挾之以
出今韓非呂氏書並言孔子力能招國門之關
而不以力聞悞

喪禮稱哀于不稱孤子今人父喪稱孤母喪稱
哀

張騫無乘槎事乘槎是海上客
毛寶無放龜事放龜是寶所統之人武昌軍

老郎署顏駟事今作馮唐用由左太冲詩誤
諱名司馬遷父名談故史記無談字季布傳趙
談改名固范曄父名泰故後漢書無泰字故郭
泰鄭泰皆改作太今人與父同名者改曰同本
此
天幸霍去病事今作衛青用承王維詩誤
王姬周姬姓故王女皆稱姬如陳媯楚芊齊姜
之後世凡嬪人皆稱姬誤

郎官上應列宿天文志郎位十五星在帝座東
北依鳥郎府是也非二十八宿

齊侯使連稱管至父戍葵丘瓜時而往曰及瓜
而代故今稱任滿當代曰及瓜據傳乃一年戍
守耳今例稱瓜期不當

殿試唐武后天授元年始
州縣六曹兵刑工禮戶吏宋徽宗設

龍鍾竹名年老者如竹枝葉搖曳不自禁持

孔子主癰疽趙岐以為癰疽之醫按說苑雍睦
人姓名趙岐傳之誤

孟子去齊宿於畫畫當作畫史記田單聞畫邑
王蠋賢劉熙註畫音獲齊西南近邑後漢耿弇
討張步進兵畫中遂攻臨淄即此可證

論語禮記中束修束脯也十挺為束延篤曰吾
自束修以來為人臣不陷於不忠註束帶修飾
也李固奏記梁商曰王公束修厲節晉荀羨擒

賈堅堅曰吾束修自立君何謂降耶皆檢束修
飾之義與論記不同

漢官儀太守五馬蓋天子六馬諸侯五馬又云
漢制九卿則二千石以右驂太守駟馬而已其
加秩中二千石乃右驂故以五馬為太守美稱

又王羲之守永嘉庭列
五馬後遂援為太守事

玄孫之子為耳孫言去高曾遠但耳聞之

楚滅陳為縣名始此非始於秦

晏駕晏晚也天子當晨起方崩稱晏駕者臣子之心猶謂宮車晚出也

下官梁武帝改稱臣爲下官

牙郎本作互郎取互市之義今訛爲牙郎誤

唐肆今過路亭無壁者

庶出宋神宗問呂惠卿曰蔗字從庶何也曰凡艸木種之俱正生蔗獨橫生蓋庶出也故從庶○齧膝之馬良馬低頭口至膝故云

前進後進古享禮猶今前進古宴禮猶今後進杜預曰享有禮貌設几而不倚爵盈而不飲肴乾而不享宴則折俎相與共食也
舊儀侍中親省起居俗謂之執虎子虎子溺器也

尺牘漢遺單于書以尺一牘中行說教單于以尺二牘報漢

屬續續新綿人死置口鼻以候氣之絕否

厠踰音投漢石奮洗親裘中厠踰顏師古謂
汗衫非也青衫雜記以蘇林說踰為溷是也
里長隋高帝從蘇威議以百家為里置里長一
人

進士科隋煬帝大業元年始後世因之
矐矐音角以馬糞蓋之使喪明也

爰書爰換也以文書換口辭也

葭苴之親葭苴盧管中白衣至薄者也

刑去頰旁毛

絆變婦人有汗也絆變月事也

緼廣敝衣襜褕蓑衣晷晷雨衣

泚筆蘸濕筆也岑文本命吏泚筆口占

擘張手張弩也蹶張足踏弩也

叔孫通起朝儀設九賓臚句傳上傳語告下曰

臚下告上曰句九賓謂公侯伯子男孤卿大夫

士也又言句字衍文臚傳卽傳臚殿榜唱名曰

臚傳本此

康莊爾雅曰五達謂之康六達謂之莊
公主天子嫁女不親主婚使同姓諸侯主之故
謂公

親孫之子為曾孫曾孫之子為玄孫玄孫之子
為來孫來孫之子為舅孫舅孫之子為仍孫仍
孫之子為雲孫言輕遠如浮雲也

媽媽北地馬羣每一牡將十餘牝而行牝皆隨

牡不入他羣故今稱婦曰媽媽螻亦不入他羣

故為馬螻一名玄駒

嬰兒男曰兒女曰嬰

影國附庸也

八尺曰尋丈六尺曰常五尺曰墨十尺曰丈一

手盛曰溢兩手曰掬掬一升也

三尺法謂以三尺竹簡書法律也

令甲今人稱法令曰令甲出漢宣帝詔蓋是法

令首卷觀江充傳註令乙章帝詔令丙可知想漢律有十卷耳

搢紳謂插笏於紳紳大帶也搢插也今作緝緝帛赤色非

梟首首勞名梟以其食母不孝故古人賜梟羹死懸其首於木故今人標賊首以示衆曰梟首

追蠡趙希鵠云追琢也今画家滴粉令凸起猶謂之追粉蠡剝蝕也追蠡言禹之鍾欵文追

起處剝蝕也今孟子趙岐註非

寤生左傳鄭莊公寤生驚姜氏杜氏註云寐寤而莊公生風俗通云兒生未能開目視者曰寤生為是

孟激字公宜孟子之父母仇氏孟仲子名罍孟子之子見譜朱子從趙氏註以仲子為孟子從昆弟與譜不同

堯封禹為夏伯故謂之伯禹

春秋繁露曰凡贄用羔羊羊有角而不用如好
仁者執之不鳴殺之不號類死義者羔飲其母
必跪類知禮者故羊之為言祥也故以為贄
君平子陵皆莊姓東漢避顯宗諱遂易莊為嚴
如宣帝諱荀改荀卿為孫卿卿名沉
杜伯度名操曹魏時避武帝諱故隱操字則知
度非名也韓愈諱辦稱杜度誤
妄一男漢武帝時田千秋以訟太子寃拜相匈

奴單于謂漢使曰漢置丞相非用賢也妄一男
子上書即得之矣

古史考曰柘樹枝長而勁鳥集之將飛柘樹反
起彈彈鳥鳥乃號呼此枝為弓快而有力因名
鳥號之弓

三農者平地山澤也又云原隰及平地其地
巴豆與蜣螂研塗傷處可出箭鏃
七夕俗以蠟作嬰兒形浮水中以為戲為婦人

宜子之祥謂之化生

六博用六棊行之故名又云用六隻骰

古人鑄刀以五月丙午取純陽精以協其數

五月忌翻蓋屋瓦令人髮禿見風俗通又云丑

月上屋見影魂飛

男子入學多用七歲五歲蓋俗有男忌雙女忌

隻之說至冠笄亦然按北齊李渾弟繪六歲願

入學家人以偶年俗忌約弗許伺其伯姊筆牘

之便輒竊用未幾通急就章則其來久矣

綠池池者綠飾之名謂其形象木池耳左太冲

詩衣被皆重池是也今被頭別施帛為綠呼為

被池宋子京春寒到被池用此

周禮方相氏歐罔象好食亡者肝而畏虎與栢

故墓上列栢樹路口置石虎為此

喪服記曰魯哀公曰五穀囊起伯夷叔齊不食

粟而死故作五穀囊吾父食味含哺而死何用

此為

竈神姓張名禪字子郭一名隗又云祝融主火
 化故祀以為竈神鄭玄以竈神祝融是老婦非
 巳丑日卯時上天白人罪過此日祭之得福又
 淮南子炎帝作火故祀以為竈神五行書云五
 月辰日猪頭祭竈治生萬倍
 卿忌竈神夫人又五經異義云竈神姓蘇名吉
 利夫人姓王名搏頭

執明甲戌神呼之入火不燒

參商高辛氏二子闕伯實沈日相征伐帝乃遷
 闕伯於商丘主辰遷實沈於大夏主參故辰為
 商星昏見參為晉星曉見二星晝夜不相是
 俗以初五十四廿三為月忌盖三日乃河圖數
 之中宮五數耳五為君象故民庶不敢用
 冬至後餘一日則閏正月餘二日則閏三月餘
 十二日則閏十二月若十三日則不閏

堯元年至萬曆元年癸酉計三千九百六十二年六十七甲子

限閏五月廿二日限閏三月

洪武十七年甲子為中元正統九年甲子為下元弘治十七年甲子為上元嘉靖四十三年甲子為中元

雪多作於戊巳日凡遇戊午巳未日天必變雨遇亢壁二宿直日則免餘宿不可免

三垣二十八宿中外宮計二百八十三座壹千

五百六十五星皆守常位是謂星

市井古井田因井為市故稱市井

三吳漢分會稽吳興丹陽為三吳

漢高帝時田橫死從者不敢哭隨板叙哀故承

以為挽歌漢武時李延年分為二薤露送王公

貴人蒿里送士大夫庶人

字數沈約韻一萬一千五百二十字廣韻二萬

六千一百九十四字

行李左傳李本作岑岑古文使字宋方勺云按黃帝有李法一篇師古曰李者法官之號則李與理通人將行先治裝也

卯本柳字後借為辰卯之卯北本別字後借為西北之北

敬字從著音棘非苟也從支非文也

皐古罪字秦以皐似皇字改為罪

對羊下從口漢文帝以口多非實改從土

劬從刀劉宋太子名劬而惡字文為劬刀改刀為力

峻音雖或作股赤子陰也老子云未知牝牡之合而峻作精之至也

天田星為靈在辰位故農字從辰

謚法司馬法俱周公作

杜子美詩空留玉帳術愁殺錦城人蓋玉帳乃兵家厭勝之方位主將於其方置軍帳則堅不

可犯其法出黃帝遁甲以月建前三位取之如
正月建寅則巳為玉帳欲辨此字人蓋玉
琢音篆玉不琢不成器當作琢

隋古用隨楊堅以其近遁走去走作隋

陣古用陳王右軍小學章旁作車為陣

影古用景葛洪撰字苑始加彡為影

留落不偶霍去病諸宿將嘗留落不偶註留謂

遲留落謂墮落今作流落誤

雒陽漢以火德王火忌水故去水加佳以洛陽

為雒陽魏土德故仍從水

蹇不載姓苑下有蹇字音義同註曰姓也則蹇

當作蹇春秋蹇叔亦應作蹇傳寫之誤耳

雋永雋肥肉也

乾沒得利為乾失利為沒與陸沉義同

乘勝逐北北音佩敗也

弔字矢貫弓也古者葬棄中野禮貫弓而弔以

助驅鳥獸之害、今從口從巾、失其義矣、
石敢當五代漢劉知遠時勇士謂其勇無人能
當耳

祠山張大帝張秉武陵人一日行山澤間遇仙
女謂曰帝以君功在吳分故遣相配長子以木
德王其地故且約踰年酉會秉如期往果見前
女歸子曰當世世相承血食吳楚後生子渤為
祠山神神始自長興自疏聖澤欲通津廣德使

化為狶役使陰兵後為夫人李氏所見工遂輟
故避食狶

苻堅拂蓋郎夏默等三人長至一丈九尺每食
飯一石肉三十斤

王蒙長三尺張仲師長二尺二寸

安祿山三百五十斤司馬保八百斤孟業一千
斤

尚長字子平范曄尚作向

馬援路博德俱為伏波將軍

鮪即鯨字鯨死化為玄魚故合而為字

祖士雅祖遜字也作士雅者誤

蔡襲蔡邕子襲子名睦又按羊祐邕外孫則女

亦不止文姬

元紐憐太監請於朝謚杜甫為文貞見張伯雨

跋語

樂說告韓信反封慎陽侯享國五十一年至孫

買之葉市國絕

賁赫告英布反封期思侯享國二十九年無後

○陶穀本姓唐避晉祖名改小字鐵牛

衛青父姓張嵇康父姓奚文彥博父姓敬

善吟孟浩然眉毫盡落裴祐袖手衣袖至穿王

維至走入醋甕

申棖史記作申黨家語作申績績即黨也後漢

王政云無申棠之欲其為悞寫無疑今棖黨並

羣石錄
祀是以一人爲二人也黨字子周懸置孔子弟子字子象史記作懸豐向未從祀
闕止宰我與田常作亂夷其族見史記按左氏無宰我與田常作亂之文作亂者乃闕止止字子我字與宰予相似故悞以爲宰我
南華老仙唐天寶元年封莊子爲南華真人故名
野雞漢吕后名雉改雉爲野雞

醉如泥南海有蟲無骨名曰泥在水中則活失則醉如一堆泥故時人譏周澤曰一日不齊醉如泥

張騫使塗林安石國得榴故名安榴石榴

露葵蔡朗父名純因名萑菜曰露葵

桑惟翰曰唐末文人謂芍藥爲婪尾春蓋婪尾酒乃最後之盃芍藥殿春故名

聖僧揚州人呼楊梅爲聖僧

子毳北方毛段細軟者書鳥獸毳毛是也今訛
為紫耳、織絲織音志今訛為注絲又轉訛為紵絲音音
寧非注也見鄭氏釋文、僕頭僕音伏與僕被之僕同起周
武帝以幅巾裹首故云僕頭、笛本四孔京房加一孔于後為商聲本黃帝
倫作、

染黃帝觀翬翟艸木之華乃染五采為文章、
鷓鴣音鹿專郭璞云鷓也、

偏提即注子唐改曰偏提又說郭云猶今酒釐
○鉛槧槧板長三尺謂以鉛刻於槧而書之木
可修削故簡板稱教削、
戩戩杙也所以係舟亦云梓柯梓柯那出此材
所以得名、

毼音餌羽衣一名兜鍪劉備好結毼、

朱紱卽朱裳畫爲亞形亞古弗字故因謂之紱亦作黻

緡錢緡絲也以貫錢錢一百曰一緡

漢魏以前戴幅巾晉宋用幕籬後周以三尺阜絹向後幘髮名折上巾

三代兩漢用馬車魏晉至梁陳用牛車唐雖人主妃后非乘馬卽步輦自郊祀外不乘車也

漢明帝聽劉峻女出家又聽洛陽婦阿潘等出

家此國中尼姑之始

何充捨宅安尼此尼寺之始

隋文帝以沙門彥崇爲學士命僧以官始此

左傳云國狗之瘕無不噬也杜預注云瘕狂犬

也今云獒犬宋書云張收爲獒犬所傷食蝦蟆

膾而愈又椎碎杏仁納傷處卽愈

桐花飼猪肥大三倍

鼓三百三十三槌爲一通

角十二聲爲一疊

玉卮無當當底也

東方光明電王名阿揭多南方光明電王名阿
毘嚩西方光明電王名王多光北方光明電王
名蘇多末尼善男子女聞是名字及知方處者
遠離一切怖畏雷電災橫之事

梁簡文舡神名馮耳五行書云下舡三呼其名
除百忌又呼爲孟公孟母劉思真云玄真爲水

官死爲水神

岳飛死獄卒隗順負其屍踰城至北山以葬後
朝廷購求葬處隗之子以告及啓棺如生乃以
禮服歛焉隗順史失載

陶人之爲器有酒經焉晉安人盛酒似瓦壺之
製小頸環口修腹受一斗凡饋人書一經或二
經或五經他境人不達其義聞五經至東帶迎
于門乃知是酒五餅爲五經也

勒畢國人長三有翼善言語有鳥如蠅聲遠聞狀如鸚鵡名細鳥

鳳子大蝶見韓偓詩

晉書曰犬黑頭畜之令人得財白犬黑尾世世乘車黑犬白耳富貴黑犬白前兩足宜子孫黃犬白耳世世衣冠

周周鳥名首重尾屈將欲飲於河則必顛乃銜羽而飲

鷓水鳥能厭水神故畫於舟首

肉樹端溪猪肉子大如盃炙食之味如猪肉而美

酒樹柳也似酒甘而薄亦不堪飲若頓遜國樹葉汁取停之數日即為佳酒柯樓國仙漿取之樹腹中青田核以水注之少頃成酒乃真酒樹也

渠荅鉄蒺藜歌刷曲刀也

不落酒器名白樂天詞銀不落從君勸

桃笙宋魏之間方言謂簾為笙桃笙以桃竹為
簾也桃竹葉如椶身如竹密節而實中犀理瘦
骨見柳子厚詩

豆腐淮南王劉安所作

衢尊尊酒器也六尊為衢

今人作書及可咲事便云呵呵出石季龍載記
石宣殺弟石韜乘素車從千人臨韜喪不哭言

呵呵似胡語

世言開春出楚辭開春發歲風

令人謂避人為畔陳後興齊雲觀謠曰齊雲觀

寇來無際畔

南越稱男曰珠化女曰珠女貴珠也

今人呼藏酒器曰曇抱朴子曰曇是鳩鳥之別

名也

今之卜者以錢蓋唐時已用之賈公彥儀禮註

云以三少為重錢重錢九也三多為交錢交錢
六也兩多一少為單錢單錢七也兩少一多折
錢錢八也

中酒有日惡李後主詩酒惡時拈花葉噴蓋鄉
語也又曰倒壺

夏丁巳四月朔日梅外後過



偃曝談餘卷之上

華亭 陳繼儒 撰

繡水 張昞 校

海鹽 林有聲 閱

余入冬喜負暄讀書已漸相暱往往狎夏日
鼾睡以為快庶幾有魯恭士行陽之意與客
笑不能從曰王僧達云寒榮共偃曝孟浩然
云草堂時偃曝則請與眉道人麈尾共之余

退而記與客談者

吾鄉泖湖金澤寺傍多蓴鎰孟熙云永興湘湖
蓴菜三月盡采賣至秋則無人采矣孟熙此語
止見一方耳春蓴如亂髮不足異秋蓴長丈許
凝脂甚滑季鷹秋風正饑此也按書至冬為猪
蓴又云龜蓴又云七八月以前曰絲蓴秋末冬
初曰塊蓴四月曰雉尾蓴
昔人云年號毋論正統僭偽自漢武至晉大都

承襲劉宋以後間亦有之自乾德後及于胡元
皆前代所未有而寔不然余嘗總考之

漢武 建元 安建元 晉康建元 劉聰僭號建元

符堅僭號建元 蕭齊高建元 漢武太始

晉武太始 張玄靚僭號太始 漢宣甘露

孫皓甘露 符堅僭號甘露 漢宣黃龍

孫權黃龍 漢元永元 和永元 張茂僭號

永元 漢成永始 高雲僭號永始 漢哀建

平 石勒慕容盛慕容德皆僭 建平 光武

建武 晉元建武 石虎僭號建武 蕭齊明

建武 漢明永平 拓拔恪永平 王建僭號

永平 漢章建初 西涼李暠後蜀李特俱僭

號建初 漢章元和 唐憲元和 漢和永元

蕭齊東昏永元 張茂僭號永元 漢和元

興 孫皓元興 晉安元興 安永初 南

宋武永初 漢安永寧 晉惠永寧 石祗僭

號永寧 漢順永建 李恂僭號永建 漢順

永和 晉穆永和 收犍僭號永和 姚泓僭

號永和 閩王延鈞僭號永和 漢冲永嘉

晉懷永嘉 漢桓建和 利鹿孤僭號建和

漢桓元嘉 南宋文元嘉 漢桓永興 晉惠

永興 符秦拓拔嗣皆僭號永興 漢桓永康

晉惠永康 慕容寶乞伏熾盤皆僭號永康

漢靈中和 唐僖中和 漢後王建興 孫

夏景炎余 卷三

亮建興 燕容垂李雄皆僭號建興 晉武太
 康 遼道宗弘基太康 晉惠永安 孫休永
 安 張軌拓拔攸沮渠蒙遜皆僭號永安 晉
 帝奕太和 曹叡太和 禿髮烏孤石勒拓拔
 宏李勢楊溥皆僭號太和 又唐文太和 晉
 孝武太元 張駿僭號太元 晉恭元熙 劉
 淵僭號元熙 蕭齊和中興 拓拔朗中興
 蕭梁敬太平 孫亮太平 馮跋隋末林士張

遼隆緒皆僭號太平 陳後主至德 唐肅至
 德 石晉天福 劉漢天福 宋太祖乾德 張重
 王衍乾德 輔公柘反江東亦號乾德 張重
 華五季蠻賊張遇賢及方臘皆僞號永樂隋翌
 衛郭子和反亦稱永樂王 元太子阿速吉八
 改元天順 西夏王乾順改元正德 以上皆
 歷歷可考而我朝襲之何也明昌三年太后不
 豫上侍疾隆慶 辛酉太后崩而穆廟襲朱泚

僭號改元應天而南京亦襲之何也昔盧多遜
素與趙韓王不協韓王爲樞密多遜爲翰林學
士一日偶同奏事上初改元德因言此號從
古未有韓王從旁稱贊盧曰此僞蜀時號也帝
大驚遽令檢史視之果然遂怒以筆抹韓王面
曰汝爭得如它多遜韓王經宿不敢洗面翌日
奏對帝方命洗去今如我朝年號使宋祖見之
不知塗幾斗墨矣

王元美先生荅慎侍御書曾以示余余見而錄
之如左來書桃源行云物外起田園起字不知
何解荅云卽今起房屋俗語之所由始也王建
詩妾家高樓連苑起亦此義
溫庭筠詩云招客先開二十雙此句不解所謂
荅云雙五畝也未句云四十雙蓋二百畝也見
唐書南詔傳官給田四十雙爲二百畝也陶南
村輟耕錄則謂一雙爲四畝

陶弘景傳云吾見朱門廣廈雖識其華樂而無
欲往之志望高巖瞰大澤知此難立止自六字
竟不知何義恒欲就之荅云知此難立止句謂
不可便住也大朝人交筆大抵晦澁如此
歐文忠詩譜補亡後序未云增損圖乙不知何
以爲圖何以爲乙荅曰增損圖乙圖者塗抹也
乙者勾止也乙字義見東方朔傳
晏殊庭莎記不知莎是何物荅云莎有二種草

也又樹也樹似桄榔亦有麩
又書云所諭長孫太尉祀義感帝卽感生帝也
以正月辛巳祈穀祀之高祖太宗皆配見唐書
禮示志第三卷其文俱稱感帝非誤也鄉年在
燕中有一貴人問家弟索慎子而僕無之後聞
其覓得送去云其書不能佳故不復追寫也
又書云別紙所云庫露真記是北酒名尚未的
也活剝吞蓋譏其全用他人語記是張昌齡非

九齡也。裨卽棺也。今書作裨誤。歲一漆之。欲其堅久不壞也。古人墓中用漆燈蓋。漆能不畏土故耳。荅侍御書止此。

晉孝武太元中。寧州刺史費統言。所統晉寧滇池縣。舊有河水。周回二百餘里。六月二十八日。辛亥。神馬二匹。一白一黑。忽出于河中。去岸百步。縣民董聰見之。車頻奏書云。苻堅建元十二年。高陵縣民穿井。得大龜三尺六寸。背負八卦。

古字堅似石。作池養之。乃知河圖洛書。誠有之。○孫雪居守漢陽。山民斲石之內。坎有白龜在焉。獻而放之于江。大石未破。不解何緣。中有此龜。天寶中。李應物開砥柱石。中得古鐵犁鑿。有平陸字。因改爲平陸縣。見天寶傳信錄。夏侯夜開貞陵。于堅石中。得金釵半股。其長如掌。餘尚銜石中。見唐史闕二事。于白龜相類。而終不能曉。因偶檢東觀餘論。潯陽役兵鑿一石。石中又

有小石若碑版視之乃王逸少書頭眩方可異也黃長睿謂埋沒既久土或變石故是刻入于石中了不足恠余思之亦有理正如琥珀內蟻蟲晶內桃花片耳然王文秉石破而得金蠶杜縮石墜而得活魚又若自然一種化機也

王荆公為謝絳行狀其文云其所嘗言甚眾不可悉數及知制誥自以其近臣上一有所不聞其責今在我愈慷慨欲以論諫為已事故其葬

也廬陵歐陽公銘其墓尤嘆其不壽用不極其材云乃知古人銘狀各有所重非若今人以狀謂銘也其後又云先人與公皆祥符八年進士而公子景初等以歷官行事來曰願有述也將獻之太史則行狀又若備國史採擇而作也姑記之于此以俟知古者

武帝咸寧五年十月汲郡人掘魏襄王塚得竹簡小篆古書十餘萬言藏于秘府晉書本記載

其事司馬溫公通鑑削而不書故朱子綱目因之按綱目凡例凡事關道術者皆書三代斷簡晦而復顯謂道術所係非與束皙傳亦云太康二年汲郡人不準盜發魏襄王墓或言安釐王塚得竹書數十車其紀年十三篇易經二篇易繇陰陽卦二篇卦下易經一篇公孫段上篇公孫段與邵陟論易國語三篇言楚晉事各三篇以禮記又似爾雅論語師春一篇書左傳諸十

筮師春似是造書姓名也瑣語十一篇諸國卜夢寐性相書也梁丘藏一篇先叙魏之世數次言丘藏金玉事繳書二篇論弋射法生封一篇帝王所封大曆三篇鄒子談天類也穆天子傳五篇圖詩一篇又雜書十九篇凡七十五篇七篇簡書折壞不識名題云紀傳歲月小異而古籍之幸存而不泯實賴于此載筆君子其可略諸

八陣圖在新都縣北三十里牟彌鎮諸葛亮八陣圖凡三在夔州者六十有四方陣法也在牟彌者一百二十有八當頭陣法也其在碁盤市者二百五十有六下營法也
朱澤民集載異域說甚奇至正丁亥冬寓京口乾元宮之寶儉齋適昆陵監郡岳忽難平陽同知散竺台偕來訪自言在延祐間忝宿衛近侍時有佛剎國使來朝備言其域當日沒之處土

地甚廣有七十二酋長地有水銀海周回可四五十里國人取之之法先於近海十里掘坑井數十然後使健夫駿馬馳驟可逐飛鷹者人馬皆貼以金薄迤邐行近海日照金光晃曜則水銀滾沸如潮而來勢若粘裹其人卽迴馬疾馳水銀隨後趕至行稍遲緩則人馬俱爲水銀攔没人馬旣迴速於是水銀之勢漸遠力漸微却復奔回遇坑井則水銀溜積其中然後其國人

旋取之用香草同煎皆花銀也其地又能撚毛
爲布謂之梭福用密 丹染成沉綠浣之不淡
其餘璣瑜錦疊皆常產也至正壬午間獻黑馬
高九尺餘鬣尾垂地七尺卽其地所產來使四
年至乞失密又四年至中州過七度海方抵京
師焉岳監郡竺同知旣別去僕書而記其說是
歲十一月十九日也

桑悅客星亭記云客星有曰周伯曰孝子曰王

蓬絮曰國皇曰溫星凡有所犯無不菑凶後漢
天文志客星居周野光武崩應之于此不書似
因子陵而諱占也且犯帝之變劉聰遂亡光武
無應者豈目前下賢一事亦可弭其菑患歟此
論奇特民懾非徒狂者

道家字學詳見于三洞經教部曰本文曰雲篆
曰八體六書文曰符字曰八顯曰玉字訣曰皇
文帝書曰天書曰龍章曰鳳文曰玉牒金書曰

石字曰題素曰玉字曰玉錄曰玉篇曰文生東
曰玉札曰冊書墨錄曰玉策曰福連之書曰琅
虬瑁文曰白銀之編曰赤書曰火鍊真文曰金
壺墨汁字曰瓊札曰紫字曰自然之字曰四會
成字曰琅簡藥書曰石碩

淨飯王令密多羅傳太子書太子郎初就學將
好最妙牛頭旃檀作手板純用七寶裝嚴四緣
以天種種殊特妙香塗其背上執持至于毗奢

密多羅阿闍黎所作是言尊闍黎教我何書

自下太子廣為書說或復梵天所說之書今婆羅門書正有十四音是

佉盧虱吒書隋言富沙迦羅仙人說書隋言阿

迦羅書隋言曹迦羅書隋言邪寐上毗反尼書隋言

大秦國鴛瞿梨書隋言耶那尼迦書隋言婆迦羅

書隋言波羅婆尼書隋言波流沙書隋言父輿

書隋言毗多茶書隋言陀毗茶國書隋言脂

羅佉書隋言度其荖那婆多書隋言優婆迦書

嚴藏隋言僧佉書隋言阿婆勿陀書隋言阿菴盧摩

書隋言毗耶寐奢羅書隋言陀羅多書鳥場西

瞿耶尼書西須彌阿沙書疏勒支那國書即此大摩

那書科末茶又羅書字中毗多悉底書尺富數波

書華提婆書天那迦書龍夜丫書乾闥婆書

天音阿修羅書不飲迦姿羅書不飲緊那羅書

非摩睺羅伽書地天彌迦遮迦書音諸獸迦迦婁多

書鳥音浮摩提婆書地居安多柵又提婆書虛空鬱

多羅拘羅書須彌迦婁婆毗提阿書須彌鳥差

婆書舉臆差波書擲婆伽羅書海跋闍羅書金剛

柵伽波羅佉犁伽書復在毗棄多書食殘阿菟浮多

嘗未增奢婆多羅跋多書舉尼差跋多書擲波

陀柵佉書吐毗拘多羅波陀那地書從二增耶

婆陀輸多羅書增上句末茶婆晒尼書中流柵娑

邪婆多波侈比多書諸山陀羅尼卑又梨書觀地

伽伽那卑麗又尼書觀虛薩菴沙地尼山書切

藥草沙羅僧伽何尼書總覽薩婆韋多書一切爾

時太子說是書已此書凡有六十四種昔造書之主凡有三人長名曰梵其書右行次曰佉盧其書左行少者蒼頡其書下行梵佉盧居于天竺黃史蒼頡在于中夏梵佉取法于淨天

古今注云彤管赤漆耳史官載筆以志心事也注漢官儀又曰尚書令僕承郎月給赤管大筆一雙篆題曰一官工作搜神記又曰王祐病有

鬼至其家留赤筆十餘薦下曰簪之出入辟惡凡舉事皆無恙則彤管又若被不祥者然古或漆或鏤或以象或以琉璃至綠沉斑管而後今始盡用竹矣故右軍書斯亦可愛詎以金寶雕珍為貴也

余見寶祐年登科錄第一甲一名文天祥字宋瑞小名雲孫小字從龍年二十第二甲一名謝枋得字君直小名鍾小字君和年三十第二甲

二十七名陸秀夫字君實年十九是榜有忠臣
三人皆少年也

趙德麟述東坡云吾酒後乘興作數千字覺氣
拂拂從十指出也大是妙語不知此意出于崔
渾昔崔渾至孝母病祈神請以身代覺病從十
指中入俄遍而母遂安東坡善于脫胎大都類
此

晉書后妃傳景獻羊皇后父道上黨太守毋陳

留蔡邕女也又羊祐傳祐蔡邕外孫景獻皇后
同產弟祐討吳有功將進爵土乞以賜舅子蔡
襲詔封襲關內侯是邕未嘗無嗣其文姬為董
杞妻者想又一女也

鄧州西有穀城城門石人刊其腹云磨堯鞭慎
莫言李敢立又揭三字于坐隅曰摩堯堅宋學
士續之以箴亦曰摩堯堅摩字與磨義不同堅
與鞭韻不同不知誰為正

青元真人注度人經云三界之上四種民天多是歷代聖君賢相居之如浩劫交周鴻濛開闢此諸天人降生人間元祐姦黨碑諸名賢多是星宿晦菴亦自是武夷洞天神仙出來都玄敬使西日記記多奇事淇苑有方石刻殷比干墓四字字徑八寸其墓字已剝似篆非篆元吾丘子行精篆籀常定爲漢人之筆新安西王喬洞其石皆上所成取而破之木葉

之形交錯其間文理具在若雕刻者不特一石爲然衆石皆然洞之上二木亦皆化石而一木復產枝葉

硤石山行五十二里道側有碑大書曰魏野草堂譙樓下二鐵人銘其序云鐵金屬土其母水其子也後之人慮河之奔決潰溢也乃斂其母鑄爲人形俾水得金而不橫土得金而益壯水火成質子毋相顧無奔決潰溢之患也

西嶽廟極壯麗其前土臺之上有樓凡一百七十楹其中樓特高大正與嶽對廟中古木森列唐栢五株恠甚其一大者四人圍之碑有唐明皇御製文其崇五丈字徑八寸經黃巢之火今存惟十數字廟又有漢郭香繇字碑及六朝唐宋人碑甚多

華陰班家庄謁漢定遠侯班超墓墓已爲民居離班庄出大道登鳳居山山一名龍骨其麓有流血泉色遂赤至今院中有飲龍泉赤泉惟灌池而已僧又云鳳喜食龍腦故龍畏之鳳死時山之僧以石函瘞其骨于山顛壘磚爲塔覆之山因以名景泰癸酉鄉之人因築城逼于州官盡取塔磚以去而石函始露其僧少年猶及見之石上刻字云景祐四年重修啓函鳳脛骨長

二尺圍可六寸股骨長一尺五寸圍如脛骨其
潔如玉龍之畏鳳昔所未聞斯亦異矣
臨潼縣驪山溫泉上有室三楹肩鎖甚嚴蓋非
貴人不得浴此其四周甃石如玉環狀中一小
石上鑿七竅泉由是出室之內有古今石刻近
知縣事者聚之壘于門外儼若屏障溫泉之左
有泉曰混池以浴小民東行卽華清宮故址上
有三清殿前臥一巨鐘視其款乃華清物玉女

閣方池卽溫泉發源處飲之可以已疾每秋暮
人取未熟柿投其中經宿食之不澁
唐興慶宮廢宮故址隆然而高四周皆古栢壽
藤其右稍上爲沉香亭又上爲貴妃洗粧樓與
興慶柱礎俱存

唐高宗陵石表二飛龍馬二方石上刻爲畢方
之形者二石馬十石人二十石碑二其左無後
人爲刻名于上入門乃陶甃所甃其半已傾右

石人爲回紇狀者六十有四其上卽高宗陵武氏與之合葬

趙文監平涼人言其家去崆峒山四十里舊常與張同知者遊山見山中二鶴玄色高七八尺首大如瓜視常鶴不止加倍飛鳴下上趙武臣欲彎弓射之張不可乃止遂飛入洞中歸以語其祖祖驚曰此千歲雀也汝何幸見之又言山中有一王道人者河南人年一百四十歲髮白返

黑齒落復生趙飲以酒至二百杯不醉從容問曰汝後亦死乎荅曰我安得死第恐被人殺耳近果爲盜所害斫其首去

弘治初隴州應山縣女子生髭長二寸許見邸報鄭陽一婦人美色生髭三縷約數十莖長可有數寸許人目之爲鬚娘云然宋有鬚婦人爲女道士而唐李光弼之母軍中指顧諸將不敢仰視有鬚數十長五寸許封韓國夫人則古已

仙傳言傳
有此矣

金山中泠泉又曰龍井水經品爲第一舊嘗波
險中汲汲者患之僧于山西北下穴一井以給
遊客又不徹堂前一井與今中泠相去又數十
步而水味迥劣按泠一作零又作灑太平廣記
李德裕使人取金山中泠水蘇軾蔡肇並有中
泠之句雜記云石碑山北謂之北灑釣者餘三
十丈則中泠之外似又有南零北灑者潤州類

集云江水至金山分爲三泠今寺中亦有三井
其水味各別疑似三泠之說也
西湖昭慶寺後有慶忌塔上聳峻壁下臨深淵
每月明風雨之夜光惟百出傳言吳慶忌葬此
然石骨巉露恐非容棺之區余因思水石之精
名曰慶忌狀如人乘車蓋一馳千里以其名呼
之可使入水取魚又涸澤之精亦名曰慶忌其
狀若人其長四寸黃衣黃冠黃蓋乘小馬好疾

馳以其名呼之可使一日千里反報二事在道
藏中昭慶後所謂慶忌者得無怖其精魅故設
塔以鎮之耶况吳將不應葬越地也

種瓜烏瞳人其狀赤色故夜見晝不見人目中
瞳人黑色故晝見夜不見犬馬瞳人黃色故晝
夜俱見諸魚目中瞳人眇淚所覆故水見陸不
見人目中瞳水泡所成故陸見水不見龜鼈蝦
蟃水蛭瞳人骨之所成故水陸俱見也

弘治中西番貢人獅一番人長與之相守夜則
同宿于木籠中又畜二小獸名曰吼形類兔兩
耳尖長僅長尺餘獅作威時即牽吼視之獅畏
服不敢動蓋吼溺着體即腐吼猖獗又畏雄鴻
引吭高鳴吼亦畏服俗所謂獅子吼非也

西唐院秋甲子連西石情禮三消遣長外鈔



偃曝談餘上卷 終

夏鼎炎餘

七

其如高無小亦異其俗九胃也...
不煩煙蓋把臨青巒唱商和律...
年尖昇對身只銷禪并...
同音于木釐中又畜二小...
與中 西番實人祇一番人...
身與之味中外限

偃曝談餘卷之下

華亭 陳繼儒 小誤

繡水 張 炳 校

陳天保 閱

銅雀瓦世傳鄴城古瓦夫魏之官室焚蕩于汲
桑之亂久矣鄴中記曰北高起鄴南城屋瓦皆
以胡桃油油之光明不蘇筒瓦覆故油其背版
瓦仰故油其面筒瓦長二尺濶一尺版瓦之長

亦如之而其潤倍之今得其真者當油處必有細紋俗曰琴紋有白花曰錫花傳言當時以黃丹鉛錫和泥積歲久而錫花見古磚大者方四尺上有盤花鳥獸紋于秋萬歲字其紀年非天保則興和蓋東魏北齊也又有磚筒者花紋年號如磚內員外方用承簷溜亦可以為研鄴人有言曰銅雀瓦研體質細潤而堅如石不費筆而發墨此古所重者而今絕無鄴民乃偽造以

給遠方王荆公詩曰吹盡西陵歌舞塵當時屋瓦始稱珍甄陶往往成今手尚託虛名動世人○元羅春伯有任俠十三戒一曰戰與日戰不移表與神戰不旋踵與人戰不達聲菽丘訢所以眇目漢書曰東市相砍楊阿若西市相砍楊阿若二曰仇君父之仇不共戴天兄弟之仇不與同國朋友之仇不與同市鄆鄆曰子在我憂而不手子死我手而不憂三曰恩恩莫大于知

已知已之遇人生所難終飯之惠必報寧過毋
不及豫讓曰彼以國士待我我以國士報之彼
以衆人遇我我以衆人報之四曰施施恩于不
報之地以情察之勿以事拘毋施非類毋施浮
屠五曰委質親在不敢許人以死擇主而事待
價而沽既委質後誓以終身如女出室不敢外
視主憂臣辱主辱臣死六曰交憂人之憂樂人
之樂清濁無失使人各以我爲私已四豪萬紀

不若田橫五百其同類猶當重之七曰色色不
親二酒不染面于道路不許視人之妻女無嗣
然後告天地父母娶妾八曰藝或劔或鈇或鈞
或匕首或彈丸五者習一用小牌上寫辭受取
予四字背書俠字旁書名上俠以金下俠銅遠
方相遇饋贖假者手刃之九曰勇無畏萬乘君
毋畏褐寬博毋叛本國毋拜夷狄毋凌貧賤毋
諂富貴餓死不劫盜十曰掃除不平卽探得赤

九殺武吏探得黑丸殺文吏不干已事凡奸臣
賊子俱得而誅之風俗敗惡皆得直書于清議
十一日樂三市鬪雞五陵走馬奇美衣服酒肆
結客一言相合繫千乘而弗顧奔千金如脫屣
十二日信一言投受千里命駕雖心曾之間有
未知之事亦不可以欺人十三日神以孟常平
原信陵田橫爲四神隨意祠一不祠春申君祭
以端午日用雞有犯戒者或撻或笞俱告于神

而後刑誓

山水画自唐始變古法蓋有兩宗李宗訓王維
是也李之傳爲宋趙伯駒伯驪以及于李唐郭
熙馬遠夏圭皆李派王之傳爲荆浩關仝董源
李成范寬以及于大小米元四大家皆王派李
派粗硬無士人氣王派虛和蕭散此又慧能之
禪非神秀所及也至郭忠恕馬和之又如方外
不食烟火人另具一骨相者

真草隸篆四字乃村學究語六書中惟有楷隸
鍾王歐顏皆有此意後代以真書別爲一種古
法滅俗札生矣通釋云字原有秦隸漢隸今當
以晉唐書爲晉隸唐隸則自然易曉也張紳此
言可爲點曾洗眼之語

陳貞父云寶雞有尹喜故宅張三丰丘長春馬
丹陽王重陽劉綱樊夫人秦弄玉仙跡往往而
在第虎豹能罷時出伺人有獨角獸樵者見其

臥林間或搏虎而食之食輒餘其半山家每得
殘虎以飽縣苦無酒隴酒甜桑落酒有毒市中
酒帘比屋競欲其刺口釀以鳥頭纔沾舌舌破
不可飲也

又嘗見鬻皮于市似猿猱而長尾尾色紅問之
曰猱也去來林間如飛猿猱之族千百爲羣出
采山核猱至莫不俯首帖服不敢張目視猱歷
視其肥脂者取小石或落葉識其首噉且飽猱

臥或它去猿猴散走其首有識者惴惴待牙吻
無動其黠者乘間竊取首所識移之隣已得脫
而隣代之矣

又能得人輒搔人喉若腋令人仆舌舐面血
以為快人屏氣陽死乃棄去還視之再三人蘇
欲起逃去追而扼之山民習其狀能脫于死
又寶雞縣與岐山接雷雨中有黑鱗蜿蜒攫民
于庭民呼毋毋亟走抱持黑鱗尾掉毋墻外民

腦入瓜流血竟死南山有巨蟒噓氣成雲人入
其中輒僵懸崖空中蜂國之家為木箱蜜其裏
梯而上之置空中蜂移國之以為利嘗有伐樹
樹空中得蜜石許者深山大林多無人境故見
聞與江南不類也
又登華山明星峰道者有石室老君棋正在其
前三十二子鐵所鑄也子重五斤非老君不能
措手

又太白山積雪盈望日射之閃閃照人經夏不
 消土人云祠在山巔六七月旱時詣祠前禱雨
 非挾纒不可往以上見陳貞寶雞錄
 畢少董妙于鼎篆其論水字云中間一豎更不
 須曲只是畫一坎卦耳余因思張有妙于小
 篆嘗言心字是一箇倒火字豈知心字畫一離
 卦三哉上一點上一畫也旁二點中二畫也下
 鈎下一畫也

歐陽集古錄云漢故北海桐景君碑銘有云不
 永麋壽余家集錄三代古器銘有眉壽者皆為
 麋壽蓋古字簡少通用至漢猶然也余按麋羣
 多至千百京房易傳云廢正作淫者大不明國
 多麋又曰震遂泥厥咎國多麋博物志云麋于
 于為羣麋壽者言多壽如千秋云也非通用眉
 字也

檣杵狀如虎長三尺人面虎爪口牙一丈八尺

人或食之獸闔終不退却唯死而已甚哉史官之宜死于其職也又史者示往知來者也禱杌之爲物能逆知來事故以此目之朱紫陽訓爲紀惡者又一義也

唐僧泓言張說墓不置雄黃以其氣燥草木枯而不潤葉夢得言勝國時有賈故于良嶽內得雄黃爐甘石數萬餘斤雄黃辟蛇虺爐甘石兩後日炙濕氣鬱蒸淡藹濃烟映帶木末蓋草蒼

岑蔚卽雄黃不能勝之如此巧思皆古人所無南轅北慕固其宜也

宋朝小說凡列祖位號皆提行擡寫相沿至今尚依原本抄刻甚無謂古竹簡之後皆易楮書之束而爲卷故曰一卷二卷自馮瀛王刻板卷變爲冊猶曰卷者甚無謂司馬溫公奉勅編通鑑制局書寫誤者例旁注半非今相仍以非字作卜者甚無謂此皆讀書嗜古者當知也

傳略記卷一
余嘗謂世人但能等九分其一分等不及處此造化權也而變幻無窮之妙亦全藏些子中正如大衍四十有九其妙在虛其一天文三百六十五度其妙在四分度之一吾衍云自魏王陵對卷吾衍云墓前石人通謂之翁仲未有拚言之者或作有墳前石人翁與仲之語好事者因續其事以嘲之西漢叢語載張崇又歷代小志文翁姓文名黨字仲翁景帝時為蜀郡太守即此人

駑之下有脫字

也文翁字漢書不載而吾衍號博雅亦未及檢証蓋墓前石羊名神羊石馬名駑馬身長二丈三尺氣質端勇少為縣吏為督郵所笞歎曰人當如是耶遂入學究書史始皇併天下使翁仲將兵守臨洮聲振匈奴秦人以為瑞翁仲死遂鑄銅為像置之咸陽宮司馬門外匈奴見之者猶以為生故古之墓間皆用之至于秦金人銘曰皇帝二十六年初兼天下以為郡縣正法律

至于秦可作始皇

同度量大人來見臨洮身長五丈足六尺以爲
祥鑄金人象之其重二十四萬斤坐阿房宮前
當漢而徙之未央宮王莽嘗鑄其膺又其後董
卓以其九鑄錢而石虎以其三置鄴宮苻堅取
之後置長安以其二爲泉其一適至陝而堅亂
民以其勞苦患之乃排陷河中戴延之誤曰翁
仲所投故河流湧起則又誤傳之非也
歷查古人異相見于書史者如呂望芝眉唐叔

生而有手文曰虞遂以爲名吳夫差肉食而有
墨色仲子魯惠公夫人生有手文曰爲魯夫人
于將子眉廣三寸公孫呂面長三尺廣三尺張
良手紋如琴陳平手紋有兵符其妻蕭氏手有
帝金花印諸葛亮手長八尺形細面龐猶如松
栢皮膚枯槁文理潤澤石崇聲似鼓顧思遠頭
有肉角長寸許壽一百二十歲七子迨死少子
六十矣杜皇后長猶無齒晉成納采之日一夕

作明言會 卷下
十
盡生劉曜鬚髯百根長五尺身長九尺三寸符
秦背有文隱起曰草付慕容皝版齒呂光左肘
有肉印劉元鬚二尺當心有赤毫三根長三尺
蕭道成鱗文遍體梁武舌文八字兩髀駢骨項
上隆起有文在右手曰武梁簡文眉翠色梁武
妃丁貴嬪左臂有赤痣上有五采而體多疣納
之其疣並失沈約左目重瞳腰有紫痣王敬則
兩腋下生乳各長數寸侯景左足上有赤瘤狀

如龜戰應克捷瘤則隱起分明如不勝瘤低及
王僧辨至石頭瘤隱陷肉中又左足偏短不便
弓馬章昭達少遇相者曰卿貌甚善須小虧則
貴後醉墮馬鬣角小傷侯景之亂中流矢眇一
目相者曰卿相善矣仕陳位至司空釋曇如足
白于面雖跣涉泥水未嘗汗濁陳武章皇后手
爪長五寸色並紅白每遇碁功之服則先折一
爪張麗華髮長七尺後魏拓拔濬立髮委地每

臥則鬚垂至臍高澄賈子儒相之曰人有七尺
之軀不如一尺之面一尺之面不如一寸之目
崔浩纖妍潔白如美婦人楊大眼眼如車輪蘆
曹身長九尺臂毛逆如猪鬣力能拔樹嘗臥疾
猶申足舉二人黃巢足有黃巢二字唐高祖體
生三乳馬周妻賣餅媪也袁天綱見之言法當
貴周納之封夫人高力士曾有七黑子安祿山
雙足黑痣有毫李光弼之母有鬚數十長五寸

誥封韓國夫人楊都女生而連眉果得仙王欽
若項有附疣朱仲晦面有七星秦檜眼有夜光
呂文德足長尺餘有咫趙子昂尖頭小書生
琉球造酒則以水漬米越宿令婦人口嚼手搓
取汁爲之名曰米奇

日本有白樂天集亦有宋濂集
占城奇南出在一山酋長禁民不得采取犯者
斷其手彼亦自貴重星槎勝覽作琪楠潘賜使

外國回其王餽之載在志則作奇藍此當是的
○榜葛刺國有衣黑白花彩縈悅佩珊瑚琥珀
纓絡繫臂硝子鐳釧歌舞侑酒者曰根肖速魯
素素蓋優人也能作百戲以鐵索繫虎行步中
入人家解索坐虎于庭裸而搏虎虎怒交撲仆
虎數回乃已或手没入虎喉虎亦不傷戲已仍
繫之人家爭以肉啖虎勞戲者錢
朝鮮酒岩有酒流出其下舟狀如亭上覆重茆

下布紋席棟梁棖楠丹青炳耀四面皆蔽懸以
素幕其國中亦有牡丹荷花
于闐國往返携一鐵鐺涉流踰河獨挈水而行
鐺投水百沸矣故寶之
胡人以鷓鴣貯葫蘆中懸之柳上彎弓射之矢
中葫蘆鴿輒飛出以飛之高下爲勝負往往會
于清明端午日名曰射柳
榜葛刺國不飲酒恐亂性以薔薇露和香蜜水

飲之
堅昆國其人赤髮綠瞳李陵居其地生而黑瞳者必曰陵苗裔
撒馬兒罕古漢屬賓地人多巧藝善治宮室門楹皆雕文刻鏤牕牖綴以瑟瑟俗重拜天建屋祀之以青石為柱雕鏤甚精經文皆書以泥金裹以羊皮按唐語林盧昂有瑟瑟枕憲宗估其值曰至寶無價

高麗箕子墓封樹而不墳石碑二尺陋甚譯者曰不敢易其故
拂林國鑄金銀錢無穿孔面鑿彌勒佛
于闐國有白玉河綠玉河烏玉河每秋取玉于河
哈烈國國有學舍中為大室四面廓以居遊學之士名曰默得兒
占城國人非至午不起非至于不睡

日本婚嫁不娶同姓蕪林國孤寡無倚一村人家輪流養不容別村求食

東夷北狄南蠻皆不聞有曆西域獨有之蓋西域諸國當崑崙之陽諸夷中得風氣之正故多異人若天竺梵學婆羅門伎術皆西域書也獅子乳以金銀寶器盛之皆漏惟玻璃則否庭州灞水在大荒之外以金鐵承之皆漏惟角與瓠葉則否拘夷山中有流水亦如之

楊雄酒賦曰鳴夷滑稽非指子胥少伯也崔浩漢紀音義曰滑稽酒器也轉注吐酒終日不已若今之燧尊也

嚴滄浪云學漢魏晉與盛唐詩者臨濟下也學大曆以還之詩者曹洞下也此老以禪論詩瞠門霄外不知臨濟曹洞有何高下而乃勦其門庭影響之語抑勒詩法真可謂杜撰禪

山谷有醜池寺書堂詩云桃李無言一弄風黃

鷓鴣唯見綠忽忽人言九事八爲律倘有江船我
欲東人言九事八爲律者王父偃上書言九事
其八爲律令一事諫伐匈奴又桃花詩云湯沐
冰肌照春色海牛押壓字簾風不開真言紅塵
無路入猶傍蜂鬚蝶翅來按漢武故事曰上起
神屋以珠爲簾箔玳瑁拂之東坡詞云銀蒜押
簾此山谷改壓簾作押簾之意也
修武縣東北三十里曰南陽韓文公之故里也

居人呼其地曰韓庄又曰韓村愈自上世居此
按李翰爲愈作行狀曰昌黎人而愈亦嘗自稱
昌黎又皇甫湜爲愈作墓誌銘不言鄉里李白
作愈父仲卿碑曰南陽人嗣後劉煦舊唐書列
傳亦曰昌黎人蓋本諸行狀而歐宋新唐書乃
增曰鄧州南陽人蓋本諸愈父碑而誤加鄧州
二字也昌黎古韓氏通稱如李必曰隴西崔必
曰博陵孫必曰樂安耳今修武之韓庄有愈墓

存焉則愈之爲修武人明矣
吾鄉自陶南村撰輟耕錄及說郛有此一
種氣習而嗣後陸祭酒儼山最稱博雅徐長谷何柘湖張王屋朱察卿董紫岡繼之又與吳門文徵仲王履吉交故皆能泛濫究討而莫廷韓又游于四公間復得其外家常熟楊夢儀藏書尤多朱太史文石廣畜宋版而抄本書亦不下諸君捐館之後散落人間孫漢陽收得之至今借讀

皆朱氏收藏印記者
何宇新惠之博羅人毋死廬墓家無三尺之童畜一黃犬三五日輒候墓所每有所需卽書片紙繫其頸家人見之具備繫使負還趙澤民爲山西廉使時畜一犬名桃花善獵有客至卽呼名喚之語家人先具酒果良久桃花必致一物如麀鹿雉兔之類無虛往陸機寄書黃耳劉貢父云陸氏有奴名黃耳觀此吾鄉黃耳犬豕不

妄也 蜀志可讀修郡乘者宜援以為法
楊用修以宋王象之輿地紀勝成都碑目元費
著器物譜蜀錦譜錢楮譜歲華麗記譜陸游及
故元質牡丹譜洪邁糖譜沈立海棠記皆載在
蜀志可讀修郡乘者宜援以為法

嚴州壽昌縣有朱買臣廟其地有朱池朱村乃
構李東塔寺後買臣墓在焉不知當時何以葬
此余嘗一至墓頭其樹蔭可憩也按虹縣志云

後魏地志載虹縣朱山會稽朱翁子之舊里朱
山廟即其別業有買臣墓在山之北麓河南志
歸德府夏邑縣有朱買臣墓河南府有朱買臣
廟又隋唐嘉話云東封之歲洛陽平鄉路北市
東南陷得漢丞相朱買臣墓及考宦游僑寓皆
不見買臣事不知其何自而得俎豆于梁也中
都志云按漢書列傳買臣吳人為會稽太守漢
之會稽乃今蘇州嘉興縣故屬吳當以在嘉興

爲是然崇文總目載名賢姓字相同錄不兩朱
買臣豈相傳之訛歟
近代尚質朝野之間皆用古折簡駸駸乎有先
輩風度顧其相稱謂及諸儀式都未循體余考
狀牒之原古惟鉛刀竹木而削札爲刺止達姓
名寓書于簡止爲問好官有公事上而下者曰
符曰檄下而上者曰狀位相等往來曰移曰牒
非公事以意曉下曰教下私自候請謝曰牒記

書啓唐世稍增始于刺謁有參候起因爲狀五
代始復以候問請謝加狀牒之儀如公事又周
禮九擗辨一曰稽首手引頭至地稽留多時爲
稽首臣拜君之拜也最重二曰頓首頭叩地卽
舉不停留爲頓首平敵拜也三曰空首頭至手
不至地爲空首君答臣之拜也三者正拜也四
曰振拜戰栗變動之拜五曰吉拜拜而後稽顙
謂齊衰不杖以下者六曰凶拜稽顙而後拜謂

三年服者七曰奇拜謂一拜荅臣下八曰褒拜
謂再拜神與尸亦謂荅拜九曰肅拜但俯下手
軍中拜及婦人拜也最輕

甲午四月有鹿渡浦大如牛無角浦口之民擊
而斃之獻上海令許公許公割其肉分餉諸士
大夫余按秘閣有李贊華畫于角鹿崇寧四年
秘閣收畫以入使者疑其狀上求古有是類者
當得其名以備顧問董道謂邪希有鹿兩頭而

角且千雲南郡有神鹿一身兩頭而角衆列今
浦有鹿額帶斜藤一枝四條直上各丈人以爲
角條支桃杖一角者爲天鹿兩角者爲辟拔道
書有五頭鹿其角且千皆古之異鹿也遇之殆
爲瑞又按陸紹弟爲盧氏縣尉嘗觀獵人獵遇
鹿五六頭臨澗見人不驚毛斑如画問之言此
仙鹿也且復不利陸不信強之獵者一發矢鹿
帶箭而去及返射者墜崖折左足則害之又殆

作地言卷一
三
爲禍又按鹿六十年必懷瓊于角下故曰鹿戴
玉而角斑魚懷珠而麟紫又按西域傳云馬弋
有桃拔一名符拔似鹿長尾又云兩角者爲辟
邪一名扶拔又按永徽四年來州有異獸高丈
餘一角鹿形馬蹄牛尾五色有翅乃知獸有似
鹿而非鹿種者甚多不知海上渡水者何物以
俟博雅君子質之
偃曝談餘下卷終

